



COMUNU DE SÈTIMU

Citadi metropolitana de Casteddu

Pratza Sandro Pertini, 1 - 09040 (CA)

P.IVA: 80004000925

Centralinu 070 76911 Fax 070 765687

Curreu certificau: protocollo@pec.comune.settimosanpietro.ca.it

Ndi podeis scioberai unas cantus de caraterìsticas architetonicas de su territòriu pratzidas intra crèsias e domus campidanesas.

Is domus torrant totus a su sèculu passau e a s'intrada tenint giai totus unu portali a arcu cuncordau cun frigus o cun is inizialis de su meri de domu. Aintru cumparrint sa stadda, su magasinu, su pòrciu e sa pratza, inoi sunt prantadas matas de aràngiu o limoni e, cosa chi non podit manca, sa funtana.

Sa domu printzipali est fata a duus pranus cun una strutura portanti in lardini, pilotus in matonis de tèula prenas. Sa parti prus caraterìstica de is domus est sa lolla chi serbiat po aberri su passu a totus is aposentus de aintru. Sa cobertura de sa lolla est fata a trajas de linna e incannitzau e is cannas sunt acapiadas a una a una cun unu acàpiu de erba a sa canna maista chi currit in mesu a is cabriolas. In is domus de is prus arricus ddoi fut sa mola po su trigu puru.

In Sètimu sa parti prus antiga no est cambiada meda: is murus a una parti e a s'àtera de is tertus principalis sunt segaus de is portalis in s'intrada de is cortis. Is struturas portantis de is domus sunt fatas in làrdini e pedra de tuvu, segada cumentu est bessiu, a vista. Is lollas, cun arcus tundus, sunt fatas a muru a incroamentu de tzinnìbiri